



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pro columbina simplicitate, pia compassione, fraternaq[ue] charitate
ingiter gerenda circa delinquentia[m] proximoru[m], & pro sui sedula
atq[ue] seuera obseruatione & examine, Precatio VIII.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

filium tuum humili verecundia, demissis oculis, manibus ligatis, miserabili ac deformi ex sputis & verberibus facie, sitibundo affectu & desiderio acerbum potandi calicem, & paternam exequendi voluntatem, os suum benedictum ad sese purgandum & excusandum non aperientem: immites verò illos ac impios Iudæos terribilibus in eum oculis, toruorū aspectu intendentes, dentibusq; suis freudentes, & instar leonum rugientes ac horridos edentes clamores falsissimarum accusationū: dum deniq; cerneret hinc atq; inde eius stipata latera tortoribus ferocissimis, iudicis sententiam æstuanti, rabido, ac ruento animo expectantibus, crucifigere eum & enecare paratissimis. Quam tum tota pensè in lachrymas resoluta es? Quis mater mœstissima, continuos acerrimosq; illos capiat dolores & cruciatus, quos sensisti, dum tanta cum ignominia & crudelitate Dominus Maiestatis, cui omnis debetur honor & gloria, de iudice ad iudicem per ciuitatem, quæ plena erat populo, in conspectu omnium deduceretur, instar latronis omnium sceleratissimi. Pro omni autem hoc dolore & tristitia tua, benedico te, milliesq; saluto, Amen.

Esa. 5.

Acto 8.

1. Tim. 1.

*Pro columbina simplicitate, pia compassione, fraternaq; charitate iugiter gerenda circa delinquentiam proximorum, & pro sui sedula atq; seuera obseruatione & examine, Pre-
catio, VIII.*

O Domina misericordissima, cœli, terræ, & omnium abyssorū regina potentissima, mater æterni Dei Verbi & virgo purissima, Maria, tuis mihi quæso dignare beatis precibus à dilecto filio tuo impetrare, vt pactum hoc atq; firmum propositum, quod hodie tecum & cū ipso in eo, inuolabiliter ad extremū vsque vitæ mæx sinem sua opitulante gratia conseruem, vt videlicet neminem vnquam iudicem seu spernam, de nemine male vnquam sentiam. Quæcunq; etiam suspiciones noxix inciderint, nihil tamen vnquam definiam, nihil pro certo asseram, aut tanquam verum iudicem. Quodcunq; etiam malum videro vel audiero, nullo modo ea propter in quempiam amaricer aut murmerem, sed amantissimo compatiensimōq; corde orationem pro eo Deo offeram.

Fac obsecro genitrix gloriosa ac benedicta Domina, vt simplici oculo omnia aspiciam, in meliorem partem cuncta interpreter: intencionem, si actum nequiuero, excusam: putem ignorantia, subreptione, casu seu occulta Dei dispensatione ad maiorem sibi conquirendam humilitatem & profectum proximum cecidisse seu labi permillum: ne iniuste seu temere quempiam iudicando, tanti me sceleris reum efficiam, quantum illum deliquisse iudico: cū ignorem quid diuina gratia operetur in homine, aut per quæ à peccato excusabilis esse possit: neue ob temeritatem ac iniustitiam meam in idem, vel eo grauius peccatum, iusto sub iudicio me Deus labi permittat.

Præsta itaq; o sanctissima Dei genitrix, vt circa aliena peccata atq; defectus cæcus sim, surdus & mutus, vt aliena non discutiam, de aliorum conscientijs me non intromittam, me verò vigili custodia obseruem, cunctaq; opera mea seuerè iudicem, nil indiscussum, non reprehensum, nō iudicatum præterire sinam, & quicquid perperam dictum, factum aut neglectum comperero, calidis vndis lachrymarum diluam, maiori cum feruore, firmiori q; proposito post quemlibet lapsum resurgam, ac constanti animo cœptum propositum reducente me ac protegente, prosequar.

bbb

quod

quod in Dei amore proximique dilectione iugiter proficiam ac stabiliter permanes, atque ad felicem vite terminum pertingam, Amen.

Actio gratiarum pro divi doloris vubere, quo conficiebatur cor maternum, dum truculenter & contumeliose ut sceleratus & morti reus à Pilato ad Herodem ab eodemq, veste alba & delirus irrisus, de novo ad Pilatum contempnibiliter duceretur.

T H R E N O S I X.

Integerrima & immaculata virgo Maria, suavissima & sacratissima sponsa Spiritus sancti, felicissima & piissima Dei genitrix, Domina ac mater mea precharissima, recordare nunc queso acerbi doloris & precordialissima compassio- nis, quibus cor tuum deuotissimum piissimumque ineffabiliter sauciabatur, dum ar- denti furia, virulento liuore, cruentaque siti impiissimorum ac crudelium Iudaeorum à Pilato non restincta, immani furore raperetur ab eis, pluribus ac grauioribus iniurijs obrueretur truculenter & ignominiose instar scelestissimi malefici per ciui- tatem in omnium conspectu (qui sine numero ad Paschalem solemnitatem vnde- quaque confluerant) ad Herodem fastu turgidum deduceretur vnicum cordis tui solatium Iesus dulcis filius tuus.

Lucæ 23.

O quantopere iniqui illi Iudaei ira ac liuore exagitati, haud secus atque rabidi canes cum dilecto filio tuo tum festinarunt, ardētia sua pectora restinguere cruentaque suam exatiare sitim gestientes, alijs multis eorum ministris & licitoribus, scilicet eū interim iniurijs & molestijs in via afficientibus, probra & innumeras contumelias à tergo illius in ipsum congerentibus, donec tandem ad tumidum & curiosum Herodem eum laboriose pertraxissent, vbi nihilo secius fallaces & sanguinarij illi Iudaei obstinatissimè eum accusarunt, & condemnarunt eidem, quibus apud Pilatum vti fuerant, criminationibus. Inter quos agnus ipse mansuetissimus humiliter tacuit (quamuis vno se potuisset defendisse verbo, atque omnes accusatores, si voluisset, confutasse) utpote paratus mori pro salute miserorum. Ea propter superbo quoque Herodi non nisi vano accurioso animo miraculum aliquod ab eo videre cupienti, multisque eum sermonibus interroganti, nihil respondit non eius modo, sed cuiuscunque recusans gratiam hominis, per quem sua potuisset passio impediri, sicuti modo verisimiliter potuisset. Si enim blandè prudenterque illi loqui voluisset, aut in eius conspectu miraculum fecisset, non modo regis ad prae gratiam, sed etiam liber abire fuisset permissus.

Lucæ 23.

Tunc Herodes turbatus, non solum cum indignatione mansuetissimum & innocētem filium tuum se repulit, & cum omni exercitu suo contumelias affecit: sed etiam veste alba eum fatuum induit, quo hoc ipso cunctos simul homines ad eū illudendū prouocaret. Atque hac tanta cum ignominia & confusione ad Pilatum eum remisit. At quis eum, qui tunc circūdedit & inuasit dolorem comprehendere queat, quando ipsum ita ab Herode turpiter illusum & despectum à vilissimis seruis & carnificibus illis velut fatuum irrideri, & ingenti cum contempione abijci, armatis manibus & fustibus caedi, pedibus contundi & protrudi, vestibus ac funibus trahi & alijs innumeris conuictijs & iniurijs obrui, adde denique crudeliter & ignominiose deduci conspexisti, aut ex aliorum saltem relatu percepisti? Si enim virginea te honestas ac verecundia praepediuit seu inhibuit, per omnes vicos & plateas ipsum de iudice ad iudicem toties protrahū continuè sequi non potuit tamen fieri, ut quid de ipso